

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
এডিবি অনুবিভাগ
শের-ই-বাংলা নগর, ঢাকা
www.erd.gov.bd

প্রেস বিজ্ঞপ্তি

আজ ৪ অক্টোবর ২০২৩ তারিখ বাংলাদেশ সরকার ও এশীয় উন্নয়ন ব্যাংক (এডিবি)-এর মধ্যে 'Climate Resilient Livelihood Improvement and Watershed Management in Chittagong Hill Tracts Sector Project' বাস্তবায়নের লক্ষ্যে ১২০ (একশত বিশ) মিলিয়ন মার্কিন ডলার ঋণচুক্তি ও প্রকল্পচুক্তি ঢাকায় স্বাক্ষরিত হয়। বাংলাদেশ সরকারের পক্ষে মিজ শরিফা খান, সচিব, অর্থনৈতিক সম্পর্ক বিভাগ, অর্থ মন্ত্রণালয় এবং এডিবি'র পক্ষে Mr. Edimon Ginting, কান্ট্রি ডি঱েন্টের, বাংলাদেশ আবাসিক মিশন, এশীয় উন্নয়ন ব্যাংক ঋণচুক্তিতে স্বাক্ষর করেন।

এছাড়া, জনাব গৌতম কুমার চাকমা, সদস্য, পার্বত্য চট্টগ্রাম আঞ্চলিক পরিষদ, জনাব শুভ মঙ্গল চাকমা, সদস্য, খাগড়াছড়ি পার্বত্য জেলা পরিষদ, জনাব কাঞ্চন জয় তঞ্চঙ্গ্যা, সদস্য, বান্দরবান পার্বত্য জেলা পরিষদ ও জনাব রেমলিয়ানা পাংখোয়া, সদস্য, রাঙ্গামাটি পার্বত্য জেলা পরিষদ এবং এডিবি'র পক্ষে Mr. Edimon Ginting, কান্ট্রি ডি঱েন্টের, বাংলাদেশ আবাসিক মিশন প্রকল্প চুক্তিতে স্বাক্ষর করেন। ঋণ স্বাক্ষর অনুষ্ঠানে বাংলাদেশ সরকার ও এডিবি'র আবাসিক মিশনের উর্ধ্বতন কর্মকর্তাগণ উপস্থিত ছিলেন।

'Climate Resilient Livelihood Improvement and Watershed Management in Chittagong Hill Tracts Sector Project'-টি পার্বত্য চট্টগ্রাম বিষয়ক মন্ত্রণালয়ের আওতাধীন পার্বত্য চট্টগ্রাম আঞ্চলিক পরিষদ, বান্দরবান পার্বত্য জেলা পরিষদ, খাগড়াছড়ি পার্বত্য জেলা পরিষদ ও রাঙ্গামাটি পার্বত্য জেলা পরিষদ এবং স্থানীয় সরকার বিভাগের আওতাধীন স্থানীয় সরকার প্রকৌশল অধিদপ্তর কর্তৃক বাস্তবায়িত হবে। প্রকল্পটির মাধ্যমে পার্বত্য এলাকায় যোগাযোগ ব্যবস্থার উন্নয়নের মাধ্যমে কৃষি ও ব্যবসা-বাণিজ্যে অংশগ্রহণ বাড়িয়ে ক্ষুদ্র নৃ-গোষ্ঠীসহ ঐ এলাকায় বসবাসরত পিছিয়ে পড়া জনগণের দারিদ্র্য বিমোচনের লক্ষ্যে নতুন কর্মসংস্থান ও আয়বর্ধক কর্মকান্ডের সুযোগ সৃষ্টি করা হবে। প্রকল্পের বাস্তবায়নকাল জুলাই ২০২৩ হতে ডিসেম্বর ২০৩০ পর্যন্ত। প্রকল্পটি বাস্তবায়নের লক্ষ্যে এডিবি সহজ শর্তে ১২০ (একশত বিশ) মিলিয়ন মার্কিন ডলার OCR (COL) ঋণ প্রদান করবে। এ ঋণের সুদের হার ২%। এছাড়া, অন্য কোন চার্জ নেই। উল্লেখ্য, ০৫ বছরের প্রেস পিরিয়ডসহ ২৫ বছরে এ ঋণটি পরিশোধযোগ্য।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে সদস্যলাভের পর হতে এডিবি থেকে এর অর্থনীতির অগ্রাধিকারভূক্ত বিভিন্ন খাতসমূহে ধারাবাহিকভাবে আর্থিক সহায়তা পেয়ে আসছে। এডিবি এ যাবৎ বাংলাদেশ সরকারকে ২৯,৭৮৪ মিলিয়ন মার্কিন ডলারের ঋণ সহায়তা ও ৫৫৩.৪ মিলিয়ন মার্কিন ডলারের অনুদান সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি সাধারণত বিদ্যুৎ, জ্বালানি, পরিবহন, শিক্ষা, স্থানীয় সরকার, কৃষি, পানিসম্পদ ও সুশাসন-কে প্রাধান্য দেয়। বর্তমানে এডিবি ৫৩টি চলমান প্রকল্পে প্রায় ১৩.০১ বিলিয়ন মার্কিন ডলার অর্থায়ন করছে। এছাড়া, ২০২৬ সাল পর্যন্ত এডিবি'র পাইপলাইনে প্রায় ১০ বিলিয়ন মার্কিন ডলারের ৪৮টি প্রকল্প অর্তভূক্ত রয়েছে। উল্লেখ্য, ২০২৩-২০২৪ অর্থবছরে প্রায় ২.৫ বিলিয়ন মার্কিন ডলারের ১২টি পাইপলাইনভূক্ত প্রকল্প রয়েছে যার মধ্যে এ পর্যন্ত ৯১০ মিলিয়ন মার্কিন ডলারের ৪টি প্রকল্প/কর্মসূচীর ঋণচুক্তি স্বাক্ষরিত হয়েছে।


মোঃ ওয়ালীউল হাসান
সিনিয়র সহকারী সচিব
অর্থনৈতিক সম্পর্ক বিভাগ